




REPUBLIKA E SHQIPËRISË
KËSHILLI I LARTË GJYQËSOR



Nr. 3285/2, Prot.

Tiranë, më 10.06.2022

L ë n d a : Përcjellje e vendimit nr.211, datë 10.06.2022 të Këshillit të Lartë Gjyqësor.

**MINISTRISË SË DREJTËSISË
MINISTRIT Z. ULSI MANJA**

TIRANË

I nderuar z. Manja,

Këshilli i Lartë Gjyqësor, në mbledhjen e datës 10 Qershor 2022, ka marrë vendimin në të cilin është vendosur: “Miratimi i raportit vlerësues dhe propozimit të Grupit Ndërinstitucional të Punës për riorganizimin e rretheve gjyqësore dhe kompetencave tokësore të gjykatave”.

Ky vendim shënoi përmbylljen e një pune 3-vjeçare të Grupit të Punës, i cili është mbështetur dhe asistuar intensivisht nga ekspertët e Këshillit të Evropës, Instituti i Menaxhimit Lindje – Perëndim (EWM) dhe Byroja për Çështjet Ndërkombëtare të Narkotikëve dhe Ligjzbatimit (INL).

Sa më sipër, Këshilli i Lartë Gjyqësor Ju dërgon bashkëlidhur kësaj shkrese Vendimin nr. 211 datë 10.06.2022, “Për miratimin e raportit vlerësues dhe propozimit të Grupit Ndërinstitucional të Punës mbi riorganizimin e rretheve gjyqësore dhe kompetencave tokësore të gjykatave”, si dhe praktikën shoqëruese për këtë vendim.

Duke ju falënderuar për bashkëpunimin,

KRYETARE





REPUBLIKA E SHQIPËRISË

KËSHILLI I LARTË GJYQËSOR

Nr. 3285 / Prot. / 1

Tiranë, më 10.06.2022

VENDIM

Nr. 211, datë 10.06.2022

PËR

MIRATIMIN E RAPORTIT VLERËSUES DHE PROPOZIMIT TË GRUPIT
NDËRINSTITUCIONAL TË PUNËS MBI RIORGANIZIMIN E RRETHEVE
GJYQËSORE DHE KOMPETENCAVE TOKËSORE TË GJYKATAVE

Këshilli i Lartë Gjyqësor, bazuar në nenin 147 të Kushtetutës të Republikës të Shqipërisë, nenin 13 të Ligjit Nr.98/2016 “Për organizimin e Pushtetit Gjyqësor në Republikën e Shqipërisë”, i ndryshuar dhe nenin 61 në lidhje me nenin 84 të Ligjit Nr.115/2016 “Për organet e qeverisjes së sistemit të drejtësisë”, i ndryshuar, me propozim të tre anëtarëve të Këshillit të Lartë Gjyqësor, z.Illir Rusi, znj.Marçela Shehu dhe znj.Brikena Ukperaj,

VENDOSI:

1. Miratimin e raportit vlerësues përfundimtar të Grupit Ndërinstitucional të Punës mbi riorganizimin e rretheve gjyqësore dhe kompetencave tokësore të gjykatave, sipas tekstit bashkëlidhur këtij vendimi dhe pjesë përbërëse e tij.
2. Miratimin e propozimit të Grupit Ndërinstitucional të Punës për riorganizimin e rretheve gjyqësore dhe kompetencave tokësore të gjykatave, si vijon :
 - 2.1 Riorganizimin e gjykatave të shkallës së parë të juridiksionit të përgjithshëm, nga njëzetë e dy gjykata të rretheve gjyqësore në trembëdhjetë gjykata të tilla, me kompetenca tokësore si më poshtë:
 - i) Gjykata e Shkallës së Parë e Juridiksionit të Përgjithshëm **Berat**, me seli në qytetin Berat dhe kompetencë tokësore në bashkitë Berat, Dimal, Kuçovë, Skrapar dhe Poliçan;
 - ii) Gjykata e Shkallës së Parë e Juridiksionit të Përgjithshëm **Dibër**, me seli në qytetin Peshkopi dhe kompetencë tokësore në bashkitë Dibër, Bulqizë, Mat dhe Klos;
 - iii) Gjykata e Shkallës së Parë e Juridiksionit të Përgjithshëm **Durrës**, me seli në qytetin Durrës dhe kompetencë tokësore në bashkitë Durrës, Shijak, Kavajë dhe Rogozhinë;
 - iv) Gjykata e Shkallës së Parë e Juridiksionit të Përgjithshëm **Elbasan**, me seli në qytetin Elbasan dhe kompetencë tokësore në bashkitë Elbasan, Cërrik, Belsh, Peqin, Gramsh, Librazhd dhe Përrenjas;
 - v) Gjykata e Shkallës së Parë e Juridiksionit të Përgjithshëm **Fier**, me seli në qytetin Fier dhe kompetencë tokësore në bashkitë Fier, Patos, Roskovec, Lushnje, Divjakë dhe Mallakastër;
 - vi) Gjykata e Shkallës së Parë e Juridiksionit të Përgjithshëm **Gjirokastrë**, me seli në qytetin Gjirokastrë dhe kompetencë tokësore në bashkitë Gjirokastrë, Libohovë, Tepelenë, Memaliaj, Përmet, Këlcyrë dhe Dropull;

- vii) Gjykata e Shkallës së Parë e Juridiksionit të Përgjithshëm **Lezhë**, me seli në qytetin Lezhë dhe kompetencë tokësore në bashkitë Lezhë, Mirditë dhe Kurbin;
- viii) Gjykata e Shkallës së Parë e Juridiksionit të Përgjithshëm **Korçë**, me seli në qytetin Korçë dhe kompetencë tokësore në bashkitë Korçë, Maliq, Pustec, Kolonjë, Devoll dhe Pogradec;
- ix) Gjykata e Shkallës së Parë e Juridiksionit të Përgjithshëm **Kukës**, me seli në qytetin Kukës dhe kompetencë tokësore në bashkitë Kukës, Has dhe Tropojë;
- x) Gjykata e Shkallës së Parë e Juridiksionit të Përgjithshëm **Sarandë**, me seli në qytetin Sarandë dhe kompetencë tokësore në bashkitë Sarandë, Konispol, Finiq dhe Delvinë;
- xi) Gjykata e Shkallës së Parë e Juridiksionit të Përgjithshëm **Shkodër**, me seli në qytetin Shkodër dhe kompetencë tokësore në bashkitë Shkodër, Malësi e Madhe, Vau i Dejës, Pukë dhe Fushë Arrëz;
- xii) Gjykata e Shkallës së Parë e Juridiksionit të Përgjithshëm **Tiranë**, me seli në qytetin Tiranë dhe kompetencë tokësore në bashkitë Tiranë, Kamëz, Vorë dhe Krujë;
- xiii) Gjykata e Shkallës së Parë e Juridiksionit të Përgjithshëm **Vlorë**, me seli në qytetin Vlorë dhe kompetencë tokësore në bashkitë Vlorë, Selenicë dhe Himarë.

2.2 Riorganizimin e gjykatave të apelit të juridiksionit të përgjithshëm, nga gjashtë gjykata apeli, në një Gjykatë Apeli të Juridiksionit të Përgjithshëm, që organizohet dhe funksionon në të gjithë territorin e Republikës së Shqipërisë, me seli në qytetin Tiranë.

2.3 Riorganizimin e gjykatave administrative të shkallës së parë, nga gjashtë gjykata administrative në dy gjykata të tilla, me kompetenca tokësore si më poshtë:

- i) Gjykata Administrative e Shkallës së Parë Tiranë, me seli në qytetin Tiranë dhe kompetencë tokësore që përfshin rrethet gjyqësore, Tiranë, Durrës, Shkodër, Kukës, Dibër, Elbasan, Lezhë dhe Korçë.
- ii) Gjykata Administrative e Shkallës së Parë Lushnje, me seli në qytetin Lushnje dhe kompetencë tokësore që përfshin rrethet gjyqësore Berat, Fier, Gjirokastrë, Sarandë dhe Vlorë.

3. Përcjelljen e raportit vlerësues përfundimtar dhe propozimit të miratuar nga Këshilli i Lartë Gjyqësor tek Ministri i Drejtësisë, për të vijuar me marrjen e mendimit nga Këshilli i Lartë i Prokurorisë, Prokurori i Përgjithshëm dhe Ministri i Financave.

Ky vendim hyn në fuqi menjëherë me publikimin e tij në faqen zyrtare të internetit të Këshillit të Lartë Gjyqësor.

PËR KËSHILLIN E LARTË GJYQËSOR

KRYETARË

NAUREDA LLAGAMI

